

牧
庵
集
附錄
七



牧 庵 集

附 錄

(七)

姚 燧 撰

戚

中華民國二十五年六月初版

牧

撰者

姚

燧

發行人

王雲五
上海河南路五

印刷所

商務印書館
上海河南路

發行所

商務印書館
上海及各埠

王雲五主編
叢書集成初編

庵

附錄
冊七

集

(本書校對者陳敬衡)

牧庵集卷三十三

七言古詩

題甘河遇仙宮 并引

李天樂真人自余去年客秦日求賦甘河遇仙宮其地蓋重陽真君遇異人酌甘水爲酒相酢之所由是名甘而不知甘卽夏帝啟與有扈戰此今其縣猶曰鄠其名舊矣天樂託石子玉遣其弟子自秦入鄠千里求詩爲之詠此鄠卽古扈字也

終南下甘河水我挈瓶嘗作泉比如何仙翁酌飲人一唾世上無醪醴是何濡軌不成川北流赴渭朝宗然東海相絕幾千里餘波開此黃金蓮河之源委且不見味更幽渺人豈辨詩翁乘雲能再來醉擲餘盃須一吮

題西鄰王景韓茅亭次韻

朝陽洞深纔尋丈欠身舉手已捫上誰識中有盤谷客黜陟不聞時得喪夸夫鐵甲薄于頰有手不解持螯盃時許雪曉穿蠟屐踏破瓊瑤來看梅人家買宅得鄰幾牆東避世渠安比可憐過愛醉後書未見來禽與青李猶嫌洞遠如隔波茅亭別構高容駝兩僮日閒語音熟呼門不復相誰何

題張肖齋所藏雙鶉圖

日躡鵠首在夫未。午爲鵠火已鵠尾。十有二次分四方。彼鵠居南獨三次。是鳥尾短不覆軀。翼花斑斑鵠
鵠如首。雖善鬪。易馴狎。握粟已逐兒童呼。豈無鸞鳳爲月紀。未必星翁曉何以。寫生亦箋爾雅徒。耗墨晴
窗費縑紙。天寒江北網如雲。車馬輸充鼎俎珍。今日此邦惟罕汝。畫師應不是穰人。

謝馬希聲處藥香鼎

吳侯建盃侔紫鐵。表裏婉毫瑩鋪雪。每愁射日動精采。倒景過目睛電掣。人云袁茗何足道。黃金百鍊終
不裂。惠然持餉耽詩兄。供啜幽齋真一絕。馬家處鼎同青瑤。左右梁耳圓索綯。預憂凝塵助脆滑。失聲脫
腕春冰拋。我思焚香固其物。丹砂九轉疑可燒。何當去求善畫史。取並清玩誰相高。盛荷不慳隨所欲。攜
歸僮輩笑偃伏。白頭主人好惡異。乃寶瓦礫賤金玉。前年禁林辭千鍾。今乃貪此盈一斛。但知焚香袁茗
趣。亦念饑饉殷雷腹。先生一笑呼來前。吾意汝豈知其然。出門仕徑方爾窄。陽在陰中陽逆旋。人來正可
飲醇酒。孔方交絕今幾年。聊將二物代飽德。試問孰與空歸賢。適有江西麥光紙。一掃新詩三百字。爲余
走送藝聖軒。足與渠儂作回施。

趙溫甫自汴託人求詩

傳君家今汴水在。博雅外無他嗜愛。牙籤架插鄴侯書。玉軸壁藏永存畫。伊人何狀不及知。與世異尙有
此奇。楮縑且寶況彝鼎。勃溪一室應累累。我於朽銅如二豎。百藥膏盲攻不去。劇青拂紫可療飢。每被人
嘲友康瓠。白頭留滯周南村。佛鬱襟期無與論。天寒塵生碧水硯。日暮雪落蒼山尊。幾時月明虹貫夜。相

遭傾橫千金價。定將餘有易所無。莫畏先聲避三舍。

愛奇堂牡丹

宣相家牡丹雖多。然止三種。玉板白葉底紫淺紅。惟二十一日最妍盛。邵子所謂看花須及未開時。今已凋落矣。錄呈時中。

繁帆盡室遊長沙。假館適許鄰宣衙。千紅萬紫紛爛漫。獨餘牡丹纔蘖芽。苦遭浹旬風雨惡。手自插架扶橫斜。天香國豔付寂寞。已分抱恨歸舟拏。今晨青陽劃妍暖。一日開盡三闌花。左闌後闌鬪鉛華。綽約仙臉粲朝霞。重趺單萼異肥瘠。玉環飛燕無敢瑕。西闌兩株玉板白。號姨色羞脂粉加。中叢昭容垂紫袖。朝儀雙引肩相差。非緣門前行馬設。已有遊女填闌闌。我昔綠髮江浦涯。繡鞵慣逐遺簪車。老來自信此夢絕。何意猶眩東皇奢。夜闌秉燭清味薄。書短尙畏啼棲鴉。學詩未知正而葩。學書劣能綰秋蛇。酬春烏可不一醉。二豪笑口人誰遮。明朝芳蹊縱百繞。彩雲飛墜何及嗟。坐無徐黃寫生手。不拂東絹圖還家。

大農掾樂子英求詩

吾友秋澗兼高廬。詩稱子英發叢塗。履霜兩楹草已宿。顏色不少平生殊。先軫歸元如生面。處父死敵固堪羨。慙德參乎啓手足。淵冰要見兢兢戰。卒絕變盈遙遙孫。傳芳簪居終懿門。尙期千古骨不腐。血肉未敗何須論。三君將成孝子志。皆借毛穎傳其事。泉臺長臥誠有知。洛誦雄篇凜生意。

張肖齋蠟梅爲黃雀啄食。余家牡丹芽爲浴雞所壞。

趙家堂前蠟梅樹。叢枝已綴薔薇露。醉歸紅袖折簪帽。似與華髮慰遲暮。遙應此日開更妍。萬斛清香撲軒戶。如何肖齋茅簷角。寂寞春風殊未覺。君云落英地如蠟。欲破已爲黃雀啄。可憐終是主人仁。不把金丸散飛雹。我庭秋培牡丹芽。屢灌期以開歲花。曾覆一簣護霜雪。忽遭雞浴騰塵沙。翠枚紫荔蕩無有。枯枿齊試快莫耶。翰音無知無可詬。汝口平日羞牛後。豈無糞土振蚤蟲。非有黍粟充饑脰。投畀湯火諒不難。議功姑以能鳴宥。梅花啄殘開疏遲。牡丹今同抱蔓歸。靜求二蟲相惱故。無乃冥有教使之。坐因吾儕對花飲。歌舞不避傍人嗤。不如無花無酒過。嘲虐狂詩爲誰作。果如造物意在爾。玉汝於成德幾大。守墨應遵老氏箴。只取二蟲圖置坐。

次齊彥提刑和余肖齋蠟梅詩韻

聞辭湘中巖桂樹。畫戟凝香正風露。此時清趣肝膈橫。遙應半歲猶朝暮。移節南陽但茅屋。低雜邑人三百戶。冠雖觸邪心麟角。公論非我出先覺。化行仁厚到生蟲。踐之未忍那肯啄。定國治獄民不冤。安有六月飛霜雹。萋萋碧草春風芽。相逢官路黃柳花。繡衣驄馬未出宿。先聲已過河千沙。東西百里不易見。況使南北千里耶。又聞不避南陽詬。官舍盡室無一後。已遣魚軒還潞水。但畏兒童癭生脰。久知是邦多此疾。賢如元凱終不宥。蹇我白頭學詩遲。少陵不作誰與歸。倅來一月再惠寄。無乃有意幸教之。我雖不作能知詩。評君一語君莫嗤。古人復生不是過。百泉梅花更奇作。篇終用筆愈精緊。餘子工夫無許大。東鄰好事有肖齋。併取歸家玩行坐。

招貢父探梅

去年南陽雪積丈。苦寒更在燕山上。荒園栢樹舊冬青。一夜生意隨凋喪。今年半冬汗浹頤。馬蹄誰是散銀盃。愆陽騰威蟲出蟄。到處盡芳年後梅。城中知春能有幾。千樹西園雪羞比。不須乘雲過玉川。但看明月輝桃李。願公伏幾新金波。我烹封麝如稚駝。相攜吾黨二三子。白頭一醉君如何。

次探梅韻

昨日余醉先歸。貢父與史鄧州令妓歌飲。至城次韻。

山頭落日高三丈。我醉思歸馬先上。來及城門市已燈。纔下雕鞍路迷喪。行人笑指駢肩頤。不見使君荒郊盃。百步一止歌吹發。清切驚落千林梅。是邦能詩輪指幾。橫槩吾猶驍健比。夜深卻怕醉尉逢。不識將軍隴西李。近聞北涉漢江波。千錢糴穀載一駝。吾儕寄公不喜樂。其如負此時平何。

楊丞彥先見和復次韻二首

短兵最長不及丈。善用遠在威弧上。惟君詩筆可配之。未信於今士風喪。無錫如花越女頤。人云無此不持盃。解組歸來臥衡宇。寂寞巡簷空嗅梅。出門款段朋儔幾。我策驚頑時竊比。不繙異書友蔡揚。且玩奇石傲牛李。一日不見古井波。相逢莫話囊銅駝。白沙翠竹江路好。蒼生安石如卿何。

直饒白髮三千丈。猶賴巾冠蒙在上。縱齒衆中人不哈。年少風流氣先喪。最恨白髮磔顙頤。毵毵未飲先垂盃。顏壯自羞追勝集。不是有詩真負梅。兩疏黃金在餘幾。入手把玩春冰比。莫從車上貢餘桃。分棄路

傍齊苦李。萊田茅屋臨湍波。持家惟有書數駝。欲教兒癡未解讀。及此正可遊無何。

八景樓

公乎何年謝釣軸。結樓臨此湘一曲。太行山色高入雲。千里空青照沙麓。胡爲捨之不命駕。無乃風土西南熟。丹梯不樹三丈旗。已使元龍臥牀足。世誇八景何足道。自有萬象供遊矚。因之不遣別製名。可見靈臺不違俗。樓中儲書三萬卷。時與多聞來勘讀。每讀北海空樽壘。差比東山廢絲竹。卻思十年帥邕管。日夜不解衣三屬。至今起跪必依人。半是左江炎瘴毒。幾時按圖數包貢。尙恨未縛交州牧。區區與公晚傾蓋。握手論心如昔夙。歸檣相就煩屢別。濡滯憐儂晝三宿。莫言處陰影可休。安坐晚食能當肉。九重方務老成人。曾見鳳書來起復。

江漱漁舟圖

漁人無田鉤爲耒。生長水中安於水。解維一葉信所如。朝發荊江暮沅澧。湍施梁笱淵罾罟。謀食日墮獮獮餘。無產可乏佐軍策。作傭什伍官征租。年年冬月寒潭碧。鳴榔驚起蛟龍蟄。縱橫沈網深刮泥。鼓鬣潛逃萬無一。小魚大魚盈千舡。刀腸斧首砧脂膏。然薪夜照作鹽腊。百步未至聞腥臊。越商巴賈持阿堵。接鱗連檣爭售取。首腸不棄亦酢糟。豈惜羣分命如縷。杜陵實獲我心人。解道困魚魚有神。縣官丁役連四海。計口算賦何虞貧。問誰畫此非無意。尺楮無裒惟有刺。前年下詔蠲此租。咸若君恩小天地。

留別奉御李侯

李侯吾取何所似。騏驎絕塵日千里。人生一朝天地間。凡馬焉能託生死。觀其平時善。赴義竭蹶出門常倒屣。千金傾囊報一餐。片言杯酒忘百恥。靈臺雖負橫水鏡。月旦絕口不臧否。果如形勢心所非。避喙教腴無一唯。族胄貴挾北方強。是性受得由母氏。乃知衆善出天賦。齊變而魯非。學使拱璧已云曠。代珍小瑕疵何足指。適吾有覽吳會興。握手不謂遺南紀。鸚鵡洲邊月再盈。朝出暮歸同轡箠。日復一日無怠色。骨肉未必真能爾。古人亦貴意氣豁。論交何必同調止。况今卜居尙悠悠。白髮相捨誰鄰里。非來漢陽卽漢陰。斯言或食如江水。

清明日陪詩僧悟柳山登落星寺詩

抵掌女媧前功捐。鍊石力盡還質天。怒飛十有八萬里。擲陷彭蠡三重淵。藏山於澤信所力。愚公欲移重莫肩。州民譌謂恆山路。漫向麟史求何年。安知自爾牛斗躔。天穴上當匡廬巔。銀河一決不復塞。至今飛流掛長川。我來正逢槐火節。巖磯顰蹙東吳船。相攜詩僧上佛閣。箕踞對酒談其然。渠聞舌橋若自失。子辯乃出鄒衍前。何嘗太古何所得。爲言烏有先生傳。

檣烏

吳城山頭尾畢逋。飛來行舟檣上呼。舟中主人適中飲。委肉投飯供朝晡。云是巡湖王使者。從卜禍福知前途。家人化之亦信向。恐我偶忘或誤驅。絕嫌魚網戒張設。見彈必毀仍藏弧。因思神林烏亦黠。怙勢不必專城狐。

過龍興昌邑山望湖亭

去年憶登望湖亭。騰雲凝空雨雪零。撫碑三復石罋記。賜觀欲藉王威靈。廟令老人曰。嘗有煙塵失自兵。初經南昌歸來舟。復停亭邊楊柳春風青。纔思會稽探禹穴。湖海濤瀾達東溟。牽牲榼酒來炷馨。再拜卜吉王之庭。洋洋在上孰敢侮。正虞白日飛雷霆。廟中道流師雲谷。顏色憔悴如獨醒。率然一物置我所。五采十襲再緘局。槩鋒劒脊握有半。鉉刀鑱若新發矟。一砭疑爲扁鵲石。三嗅尙帶陳牟腥。惜無矢人與羽管。關弓試繳鴻溟溟。重爲雲谷語丁寧。莫輕新識君其聽。平生記古此第一。過目暫忘心已銘。商彝周鼎總後出。逆推已有三千齡。百年天閼孰曰壽。嗟我與子其秋螢。

牧庵集卷三十四

五言律詩

感事

致位丞疑地。夔龍伯仲閒。星當朝北斗。日已薄西山。取謗因讎惡。貪權失丐閒。此行雖鐵甲。未足比慙顏。輿病高崖道中作

役役乾坤遠。栖栖道路頻。五年三入蜀。十夢九歸秦。塵病偏淩客。山英定笑人。無勞問前渡。祇覺白頭新。發丹青神縣

青神開百丈。江岸轉荒涼。薜荔緣松起。蒹葭並竹長。深披豺虎徑。毒犯虺蛇鄉。何莫非王事。農夫可惋傷。舟達黃溪

草木隨寒暑。殊方榮悴同。葦華兼露白。檉葉未霜紅。日月雙飛鳥。江湖一病翁。晚來沙嶼上。愁坐獨書空。

七言律詩

大都寄盧處道

家弟去冬溫室見。玉音問汝死耶非。因知洛下思常切。雖樂江南告已違。一旦去妻鄰舍聚。三年遊子漂

陽衣無尊君父無親母有底牽留未卽歸。

元日

昨夜中星仰看昏。攝提驚轉帝車轅。三千單紉苦寒盡。五十二年今日元。與宴記霑魚在藻。退歸甘免鶴乘軒。膝當木榻穿皆穴。髮比霜蓬不斷根。

四年甲午再過龍興訪雲谷玩石罨留一月而還贈之

石罨射隼中應雙。一集陳庭一此鄉。楷箭久隨毛血化。石稜猶作劍鋒剛。知音道適逢坡老。得寶神陰相豫章。廟令收藏要知法。謂看垂矢在東房。

感白髮

霜鬢休輕比素絲。素絲經染一爲緇。參同知白意端是。始終守黑更無移。不似鬢毛難上色。百方無有再元時。點檢形骸無一可。醒尋泉石醉吟詩。

寄題陳肩夔兄弟夢草堂

謝池草句本無奇。千古流傳五字詩。祇是可人醒枕席。許多生意在壺觥。信渠風雨聽眠處。快甚江山得助時。顧我此懷今已矣。羨君兄弟撚霜髭。

寄題武安節推同年萬君定翁露香齋。取趙清獻夜則以日所爲告之天也。是官也。蓋清獻初仕云。盡將心事寫成碑。大要操修在不欺。此一瓣香前輩似。只三箇字老天知。素瓶貯豆應先滿。匹馬攜琴料

自隨。吾榜得人今又甚。會排介甫擊升之。

道中卽事十九首

半生奔走路塵紅。老合投閒向此中。炙背可親冬日叟。脅肩休笑夏畦翁。前除梧櫨皆黃葉。別院橙相尙綠叢。榮悴不齊誰使爾。欲將斯理問高空。點檢荒園新植物。長身君子不居中。花惟名牡丹爲牝。竹旣曰孫元有翁。九月未霜先挺荔。幾時因雨試移叢。欲爲奇品少遮日。早願新梢高拂空。閒人闕略俗能容。胥責區區禮法中。泥酒有時遭郡守。借書嘗夜過鄰翁。江珧荔子幸同味。玉樹蒹葭何敢叢。交比盧仝儘平易。猶騎驂駟上虛空。月出瀼瀼秋露濃。舉頭天運定方中。休官止酒愛陶令。對客賦詩輸杜翁。燈盡不挑垂暗燭。葉聲閒聽墜枯叢。馳心弄墨誠餘事。度日悠悠遠勝空。買犢賣刀方課僮。躬耕來此近隆中。護堤纔置木龍子。穫稻已輸秧馬翁。林遠薪蒸難似桂。庭荒藜藿茂如叢。金穰已應田家卜。儲粟瓶知不告空。人家山郭蕭條裏。客子秋光荏苒中。川逝無情將老汝。土非何物不悲翁。雁書終日度遙漢。螢火經霖生腐叢。只有文窮能作祟。一時袂送若爲空。富貴貧賤交態一。何人耐久伴閒中。書繁插架儘良友。筆老免冠眞禿翁。睡起蟬魚沿敗楮。吟來蚯蚓發

新叢忘君賦畝吾何敢。正賀三邊候燧空。
卻比周郎似不聾。回頭曲誤妓闌中。樽前客豈可無我。詩裏人多非自翁。落落既爲喬木世。翹翹宜拔錯
薪叢。或云尙續樊川叟。未要風流掃地空。
俗自窮余余不窮。無羞俯仰兩閒中。叩門聲僕強迎客。索飯嬌兒能叫翁。葦縱聽浮身一粟。蓬飛未甚鬢
雙叢。爾來每爲家人笑。煮茗哦詩夢亦空。
往古來今無限士。何人不在好名中。窪樽牛飲笑聲叟。絕筆漁歌奇放翁。關內舊詩傳菊掃。穰間新事縛
耆叢。至將大衍供除掃。烹鶴燒琴不是空。
衛生道至東坡簡。坐驗朝昏視息中。解使水男親火女。卽爲木母嫁金翁。聖人愛嗇文多祕。方士支離語
漫叢。只壽百年身健死。不須白日上凌空。
年少諸賢莫笑儂。人逾五十日過中。白頭特未到君耳。造化豈私令我翁。南國香橙難似橘。西川慈竹本
名叢。世閒貴耳多如此。硯磊孤懷正要空。
僻性知難與俗同。舊交新識往還中。嫌爲厚貌重關相。愛不機心抱瓮翁。鼯鼠躍林窮五技。橘奴輸絹止
三叢。遙應世母神州說。孤姪生涯尙鑿空。
時才位地難齊同。過猶不及非是中。禦人漱石信辯士。爲子移山眞拙翁。鵬翻溟渤扶搖水。鷄搶榆枋撲
檄叢。萬物自人惟自我。爲君高視九圍空。

憂國惟求一歲豐。商歌遙夜幾時中。長懸謗木古來主。欲獻食芹何處翁。虛應蒼麟纔一角。瑞時朱草必孤叢。傷心千載懷沙賦。日月何嘗不在空。
老困撥書非自慵。徒令憂喜塞胸中。費桃一日殺三士。剖橘何時見四翁。單極纔多能斷幹。千章木穉已超叢。子魚未是忘筌者。回首遼東半席空。
無補明時出處同。一毛得失九牛中。雲山不是世爭物。田舍正宜吾作翁。文或問津牛馬走。才難入網鳳麟叢。燈前百萬呼盧擲。未問家儲紙石空。
駟馬難追言數窮。猶龍自守不如中。口知余媿三絨士。臂亦難爲九折翁。流水必趨恆下地。狂風多折最高叢。若人有問安身策。拙學區區過此空。
未曾齒豁與頭童。年少應無日再中。四海固多知己士。一門惟失譽兒翁。蕭蕭霜葉紛辭樹。粒粒燈花細妥叢。遙夜誰家發砧杵。月明如缺半橫空。

次曹訓導韻

詩筆高冠無此流。雄音壯節得前修。清明雨過桃花浪。上巳風連桑落洲。江路帆檣容少住。鐘山杖履遂奇遊。獨來乘興闌還去。千古何人識子猷。
此詩石刻在今湖口縣學鼓云。前翰林直學士奉政大夫知制誥兼修國史姚燧以青龍辛卯春三月四日獨來縣學諸君適無一人知者。偶縣教訓導曹君餉余詩。爲和之。所謂鐘山蓋石鐘山也。

挽王敬夫憲僉

素輶孤兒拜履前。令人末問已淒然。同官南郡纔三日。隔世東州忽一年。夜月誰家虛燕席。春風客路負雞綿。玉碑老子埋銘在。潛德何憂世不傳。

別駕劉之間。邀燧同府倅。余叔器田別乘顯卿。姬府教伯陽。以癸巳九日飲郢判席上言懷。去歲君山孤櫂遠。如今盡室石城州。明年白髮桑榆日。何地青山萸菊秋。客氣已爲彊弩末。宦情空繞大刀頭。果成問舍求田策。未讓元龍百尺樓。

次劉時中反和杜紫微韻贈李若水 并序

至大始元二月。舟過高郵。有李若水者。爲屋數百楹。以祠東嶽。日號睡著。余竊笑之。豈是舉羸皆夢中爲耶。因其求詩。取水驛壁閒士子劉時中反和杜紫微齊山登高韻以贈。其人幼年自闕云。何事仙人亦毳衣。蒙茸如茭曜朱暉。潔身自說年華盛。睥面誰傳夜氣歸。能爾用師三晝返。不知去俗幾塵微。睡嬰外務何曾著。常恐金烏出海飛。

次時中留別反和杜紫微韻

身世支離似敗衣。有戈誰卻魯陽暉。不知次日公車召。又俟何時野服歸。花信正愁風駭蕩。麥苗還喜雨霏微。分攜江上休回首。恐見橋烏作背飛。

次時中參錯和前韻留別。且勉其進德無怠。二首。

啼鵲休訴不如歸。我亦從來賦式微。竹塢且宜鳩杖立。柴門不謂鶴書飛。舟行遠後忘經驛。酒禁嚴來往

典衣爲問石城鷗。與鷺幾時相對弄晴暉。
多君問道粗知歸。雲霧何人識少微。爾後驂騑終獨步。自前鷺鳥不羣飛。淮南數日將寒食。客裏三春尙臘衣。安得鑾坡同給札。不妨苜蓿對朝暉。

次劉時中和唐杜牧之齊山詩韻

有足斯奔有翼飛。靜常觀物入希微。名慚窺管文章竊。迹喜收身劍履歸。影與金樽邀夜月。夢無玉斧照晨暉。白頭坐取移文詎。又爲前生一倒衣。

次韻時中再和簡呂正字登淮安城樓

久知戎服笑儒衣。終尙晴窗惜寸暉。上馬人扶甘伏老。攜家旅食亦安歸。嗟君無事乘清興。尙友新詩和紫微。相勉殷勤養鱗翼。會能川泳與雲飛。

喜雪鄙句奉子英提學

天上雲紋漾水波。人閒山色映兜羅。東風盡日楊花落。南畝今年楚澤多。稼穡生成知帝力。昇平消息聽民歌。漢家始建營田計。未厭牙籤沒馬過。

七言絕句

賞花吟十首

常歲花開必禁煙。今年開在禁煙前。坐令姚魏皆牛後。但媚殘春穀雨天。
嘗並牡丹爲妬婦。一枝惟許一花開。從今記取花前飲。莫遣猶持媵爵來。
陰翕陽施草木知。牡丹烘日已離披。明晨迥露還收合。恰比芳苞欲吐時。
少年騎馬縱春遊。紫禁名園訪欲周。今日病中扶杖看。白頭先已爲花羞。
出門京國事無涯。虛擲東風五物華。卻謝病歸催不起。故園今見碧桃花。
手栽修竹直檀欒。十畝清陰六月寒。西掖歸來但篋篠。被人皆斫上林竿。
醪醑寶相海金沙。條蔓盈籬四面花。莫道詩人例窮苦。繡屏圍坐是誰家。
大蓋清油一丈陰。未須持入海棠林。好乘麗日光風看。猶勝銀釭照夜深。
佛桑豔豔欲燒空。猶愧山茶鶴頂紅。更是並他凡卉異。謝時連蒂綴東風。
東風試手送韶華。落盡梅花落杏花。留得西園桃李在。尙能十日媚山家。
張總管清富軒

米船明月白虹光。未半王詵寶繪堂。今日又添清富出。兩家遺物滿筐箱。
許道寧幽人曳杖圖

噴壑飛流雷怒鳴。切雲老幹凜將傾。深山窟宅皆豺虎。說與幽人莫獨行。
題米元暉楚岫蒸雲圖

得法君家海嶽翁。青林翠岫白雲中。夜窗不是瀟湘雨。定有當時月貫虹。
剔耳

曲音小誤已回頭。得此人生莫過求。堪笑殷君太聰聽。卻妨聞蟻鬪如牛。
節婦蒙氏卷三首

死別哀思盡有期。最無窮已是生離。如今筐篋同州吏。誰肯分攜襁負兒。
今年西北靜氛埃。前日跳梁款附來。早晚君王罷邊戍。良人應逐踐更迴。
能爲聖代立綱常。何獨雷門爛有光。太史諸人爭淬筆。流芳直與漆沮長。
張仲牧牛圖

牛力農家惜百金。畫師真得老農心。釋耕不忍還騎去。乍可牽牛步遠林。
王氏祖塋詩卷

讀渠榮澤墓田詩。太息師垣尙未碑。從此南歸得終願。衛人應有賦蟬綏。
題孫大方真人秋聲軒五首

牕竹蕭蕭夜撼風。秋聲何處不相同。卻休八表神遊客。認作匡山紫極宮。
醉翁詩法似長庚。序集東坡有此評。不和蕭蕭動牕竹。卻從庭樹賦秋聲。
畫竹今推兩李魁。魚牋鵝絹訴爲災。試披風葉霜枝看。似覺秋聲入耳來。

晉賢長歎只孫登。君是苗遺必也能。肯聽秋聲成一笑。攬衣燒酒對宵興。
心許神交羽服流。讀書惟此一天游。幾時卻向秋聲夜。醉臥朝元百尺樓。
黃華墨竹

湖州再變到黃華。兩竹離披自一家。萬斛顛風掣旗腳。軍民吹屈最高牙。

樂山卷

老思吟詠恐傷神。多少求題委案塵。展卷樂山殊喜作。自緣身是愛山人。

巫山圖

神女行雲安在哉。當年魂夢費蘭臺。絕癡更有杜陵叟。尙想空山幽佩哀。

題步隲奉瓜圖二首

從來道屈不伸身。特傳吾嘗笑史臣。簞食豆羹情最見。征羌遠卻善觀人。
世有淳于定例冠。祝田求狹責奢難。若從今日論瓜直。未必償渠飯一盤。

題曾子耘瓜圖

誤斷瓜根罪甚微。末消狂慙舊餘威。鳴琴不怨參真孝。尙學風零鼓瑟希。

書琴工萬古音卷後

聞道爲琴獨苦心。新琴能發古時音。百年卻視今爲昔。不說雷琴說萬琴。

寄耕鋤隱者倪元鎮

谷口青松夾徑生。鶴巢松頂雪初晴。此時知有經鋤者。獨抱長鑱嶺上行。

檢校傅伯賢求挽其父憲使五首

憲節崎嶇瘴嶺持。歸與多少引舟旗。東甌除卻令尹祝。別道誰家有立祠。
公雖歸葬汝陽莊。留得園中像在堂。好記儂言看他日。遺苗終有視爲鄉。
鳩舌將何歲奉嘗。荔丹橘粲與蕉黃。蓬萊日落天風急。營魄時應一望洋。
累帙百篇先在吟。鏗然一字敵南金。向人求請尤無已。足見終天孝子心。
知生知死弔傷俱。紀德於詩事不誣。我僅知生不知死。弔章魚目混驪珠。

三老圖三首

宋人金季反兵時。徒遣荊州往乞師。撫劍歸來天步艱。無因死病怨良醫。
從臥封龍十頃雲。閔中肆外溢爲文。若非用事多排比。黨蔡諸公不足羣。
勃谿姑婦入龍庭。得意攜毫雪偕亭。向使遺文盡收此。後生尊作吐辭經。

陳雲心題

君近昌江山已深。更依天岳最高岑。月明深夜援琴鼓。惟有白雲知汝心。

挽雲南參政張顯卿四首

其祠在
碧雞山

誰昔新知紫鳳山。正當持節日南還。曾談不足能專對。不得深輸九虎關。
萬里橋西遠寄詩。但知相見可重期。如今緡閱傷垂老。卻是幽冥永訣辭。
自非威信結夷蠻。祠廟誰修鸞熨閒。從此旃裘具牲酒。不來徼福碧雞山。
人臣用世孰無能。由子非才不見稱。觀此移忠與純孝。是家台席有重登。
趙信庵墨梅

廣平援筆賦梅時。鐵石心腸吐媚辭。千載信庵湔此恨。卻將鐵石作梅枝。
楊補之墨梅

枯枿殘枝三數花。似臨清淺照橫斜。草元善學營邱筆。水木齊行自一家。
題剡溪回舟圖

戴逵失策遣人哀。禮也元無往不來。明日相過莫相見。扁舟卻與到門迴。

牧庵集卷三十五

詩餘

浣溪沙

舟中紀事

白髮年來自笑余。孔方從有絕交書。誰憐多病麴生疏。
兩岸行人爭抵掌。誰家舟上載籃輿。江南休問看山無。

菩薩蠻

皇慶癸丑春賞花詞

兩間日月同悠久。算來無比東君壽。一歲一歸來。光風吹九垓。
花枝依舊好。只自傷垂老。七十六年人。見花能幾春。

中秋雨

素娥曾把詩人調。衰顏不直圓蟾照。特地變雲陰。江城三日霖。
今宵佳節過。天上冰輪破。纔卻放餘輝。要看清興遠。

清平樂

失題二首

水仙裝束風致清逾淑。春竟枝頭添萼綠。要與梅花仲叔。生紅從此羞顏。甘同桃李漫山。不是冥鴻過。盡情教銜子荆橙。菲菲香雪。更照溶溶月。管被司花嫌太潔。故遣啼鶯澣血。方舒笑臉迎丹。雨聲深院珊珊。有底春愁未訴。向人紅淚闌干。

聞鴈

春方北度。又送秋南去。萬里長空風雨路。誰汝冥鴻知處。朝朝舊所窺魚。由渠水宿林居。爲問江湖苦樂。汝於白鷺何如。

大德改元之明年。辰在戊戌春三月十有一日。宣慰麓堂邀飲。怪坐客無吾肖齋。或云逃生朝矣。卽席賦清平樂以壽之。

南陽昔歲此日懸。記不料長沙今款避。紅袖青軒負醉。橫欄直楯西東。飄殘萬紫千紅。不是酴醾噴雪。爭些閒殺春風。

浪淘沙

爲柴氏題

河水發崑崙。浩浩源泉。餘波九里潤猶存。若問是家誰肖出。顯德諸孫。今日在清門。玉季金昆。能時夏

清與冬溫。直得蠻坡褒一字。華衰休論。

競渡

楚俗至今朝。服艾盈腰。喧江鏡鼓節蘭橈。士女踏歌巫覡舞。魚腹魂招。與日昭昭。免向重華敷衽跪。來直皋陶。

去古既云遙。讒毀言消。修名立。

余年七十。洪山僧相過。言別公十餘年。而頰紅潤。益加於昔。有道然耶。因爲一莞。賦此曉之。七十鬢雙蓬。已分衰翁。煩君休鬢面如童。只此正爲吾老驗。物理會窮。天地一微躬。草木還同。桃花初也笑春風。及到離披將謝日。顏色逾紅。

天地一微躬。草木還同。桃花初

大德丙午端月十四日立春。巧連燈夕。求西野澹齋月澗同賦。春燕玉釵騰。又試初燈。天公節序巧相仍。纖手青絲盤出看。寶焰層層。馬響春冰。六十九年余治學。老病宵興。

鞭絕土牛繩。已送嚴凝。牙旗鐵

送貢應奉仲章歸觀宣城

明月萬家砧。蟋蟀哀音。何人不起故園心。一語更難留斷袖。說觀雲林。酒與君斟。只賦祈招當贈別。如玉如金。

回首玉堂深。誰綽綸音。都門無

贈重陽奴

初度菊花秋。霜水痕收。可知不肯離荊州。元就龍山風力軟。破帽颼颼。

今夕定開舟。漲水磯頭。淵明解

印去來休。夢繞橘齋新草閣。檀板輕謳。

鷓鴣天

遐觀堂暮飲

誰道夔龍不致君。白頭離亂不曾聞。三秦碧樹生春色。千里青山入暮雲。
何業底功勳。百年五十已中分。從今萬八千場醉。莫醉劉伶荷鍤墳。

虞美人

牧庵卽事爲李元素作

竹風吹落疏疏雨。紈扇收殘暑。小軒蔕地細香來。莫是鄰家早有木犀開。
玉環穿耳誰家女。自獻歌金縷。新聲和徹紫檀槽。袖出烏絲。纔說要揮毫。

玉梳贈內子

相輝瑜珥瑤釵鳳。寶翼蜻蜓動。新妝又得水蒼梳。人道秋風何物不瓊瑤。
人無玉質容何害。玉德斯堪愛。尙慚猶未十分全。聽取明年環佩夏璚然。

減字木蘭花

劉子善得常德壽梅圖持歸鎮江壽其父梅軒

壽梅紙本傳常武。遠壽梅軒歸北固。愛梅無有似君貪。東極吳中西盡楚。
黃昏深淺孤山路。能對春風

旬日許不如滿歲畫中看冷蘂疏枝常照戶

南鄉子

遊洪山寺

良月大洪山。楓葉青青柏葉殷。一樹桃花修竹裏。天慳。連見春風一歲閒。爭挽插雲鬟。日暮金鞍未擬還。偏與歌姝相映照。朱顏。應笑詩人兩鬢斑。

次馮雪崖韻二首

荆憲品皆加。纔罷還除世共華。恨殺峴山山下路。梅花。誰醉雙瓶玉照沙。涂水聽宣麻。行腳陽春起未涯。君去莫嗟風土異。堪誇。君祖鄉鄰我祖家。日覺鬢霜加。欲對清罇戀物華。離別紛紛長眩眼。生花。易散難搏掌上沙。蓬意不依麻。未必移居漢水涯。前日曾於遺集序。張誇。素範清風有幾家。

小重山

蕤女歸寧還襄陽

江渚蒹葭白露晞。雲間渾未有蜚鴻飛。人情難在別庭闌。攜諸幼。孤艇溯流歸。七十古來稀。乃翁筋力尙未衰。微峴山不是遠相違。猶能往。清淚莫沾衣。

風雨折枝詞

早。是。清。明。應。候。風。勢。如。滄。海。浪。怒。號。空。更。兼。潑。火。雨。冥。濛。如。何。得。枝。上。有。殘。紅。最。惜。牡。丹。叢。曉。來。吹。盡。折。教。兒。童。且。爲。支。柱。曲。欄。中。還。堪。否。留。客。一。樽。同。

定風波

南。州。以。菌。生。竹。間。爲。輩。并。樹。雞。瘦。薄。而。赭。雖。日。乾。猶。可。煮。茹。此。筆。竹。絲。爲。之。輩。蓋。得。竹。餘。氣。而。生。然。以。世。多。未。見。故。祥。之。余。以。理。推。如。此。唐。古。憲。僉。筆。生。菌。繪。爲。圖。因。有。是。作。

五。馬。雙。旌。出。部。堂。歸。來。椽。筆。對。凝。香。只。爲。好。書。天。作。章。相。戲。故。生。三。秀。在。毫。鉞。不。是。畫。師。生。手。觸。拳。曲。層。雲。連。葉。幾。何。長。我。有。一。占。君。試。記。何。事。已。開。他。日。判。花。祥。

題軸軒左右埋二石檻植荷其中

族。汲。清。泉。石。斛。方。便。疑。身。已。置。江。鄉。八。九。吞。胸。雲。夢。小。應。笑。白。頭。兒。戲。未。曾。忘。荷。葉。且。看。張。翠。蓋。此。外。芙。蓉。誰。望。集。朱。裳。還。有。不。如。人。意。處。遮。去。碧。天。明。月。照。泱。泱。

洞仙歌

石山

伊。誰。斧。鑿。此。玲。瓏。巖。岫。至。巧。先。天。化。工。手。又。不。知。何。地。夜。壑。深。藏。今。留。待。白。髮。詩。人。攜。走。向。宣。和。廢。苑。睥。睨。高。株。欲。轉。愁。回。萬。牛。首。期。出。處。與。君。偕。立。則。參。前。卷。密。可。懷。之。襟。袖。尙。未。敢。云。能。此。私。從。怕。雷。雨。冥。冥。六。丁。來。取。

對梅

疏枝冷蕊。臘前時初破。年後纔多玉妃墮。問梅軒白髮。寂對空株。期三百六十誰同幽坐。孔方兄善幻。半幅溪藤。貌出縑塵素衣浣。當盛夏展圖看。遽失炎蒸。甚欲摘傾筐三箇。又卻被傍人勸休休。怕他日鹽羹鳳毛無和。

江梅引

謝王子勉提刑送江梅二首

西湖不近上林隈。問江梅。定誰栽。莫是冥鴻銜子遠飛來。紫陌遊人多不識。但驚看。青天霽。一樹開。獨有使君憐寂寞。爲持盃。能幾回。玉纖橫管。東風外。落日樓臺。不恨明朝。飛雪滿蒼苔。恨殺南溪調鼎手。恐遲暮。到而今。霜鬢催。年年江上見寒梅。幾枝開。暗香來。疑是月宮僊子下瑤臺。冷豔一枝折入手。斷魂遠。相思切。寄與誰。怨恨極。嗅玉蕊。念此情。家萬里。暮霞散綺。楚天外。幾片輕飛。爲我多愁。特地點征衣。我已飄零君又老。正心碎。那堪聞。塞管吹。

牧庵集卷三十六

詩餘

玉漏遲

與暢純父學士同舟過鹿門山

遡丹青未了。森然玉立，相迎雲表。勞苦詩人，鄭重鹿門清曉。蒼舊猶今好在，算竊比山靈年少。青蓋照，宜余翠葆。蕭蕭輕皎。渺渺漢水滄波，問流盡人間，幾多悲嘯。對羊公片石，一尊相弔。喚起長庚小妾，試看坐金鞍歌笑。飛蚬小，澹澹長空孤鳥。

滿江紅

廉野雲左揆求賦南園

原注慶雲都城善謳者

面勢林塘緊。橫睫觚稜如削。還更比城南韋杜，去天盈握。便有名園能甲乙，他山崩巖先尊岳。甚一花一石總都將。平泉學。雖鬢髮流光覺。渾未厭朋來數。有慶雲善譜，新聲天樂。正爾關弓鴻鵠至，可知棄屣麒麟閣。只北山逋客，負塵纓，滄浪濯。

送李景山使交趾

六詔江山十年厭。拏舟還轍。但只有日南遐域，未嘗持節。八月秋風來朔漠，燕然已沒鞍韉雪。料此時銅

柱瘴雲收無炎熱。御尺一行宜決。煩重爲雕題說。道皇元威德。萬方臣妾。直以越裳聲教阻。于金裝匭。渠誰屑。要降王明日。共輜軒來金闕。

送張子正廣西宣慰司都事

瘴海盲風更誰避。樓船檣折。長記得饒歌歸路。獲嘉時節。日夜丹青麟閣夢。論加纔補朱衣缺。問世閒求寵有門。無終遠轍。爲此錯平生鐵。踰嶺嶠皆炎熱。獨梅花萬里。桂林冰雪。躍馬十年銷髀肉。遠遊一債償難徹。笑悠悠造物戲人哉。冠纓絕。

滿庭芳

寄趙宣慰平遠

有北先寒。來時鴻雁。記經何地初霜。問渠鵲鶴。何苦上顏行。浩蕩煙波萬頃。怕誰去。爭許三湘。聊容與。誰求繫帛。傳語寄炎荒。丹山如鳳鳥相逢。定是問我行藏。說於今華髮。爲汝增傷。晚笑巢阿。覽德莫貪快。千仞翱翔。和鳴擬從吹嶰管。終不似朝陽。

水調歌頭

幽居

開軒對朝爽。吾亦愛吾廬。君亭有笏堪拄。人道富於余。尙恐軒裳念在。前日朱門故態。消釋未全除。反覆看如此。儂豈遽慚渠。最同是。烟滅竈。釜生魚。年年客裏相值。佳興負當初。縱使軒亭無恙。亦取山靈抵。

掌猿鶴怨移書。樽酒醉江月。何日賦歸歟。

買田天生門外

買地近隍壑。十頃展平瀾。相如漫說雲夢。八九可胸蟠。已具扁舟放鶴。又且觀魚知樂。何忍利投竿。卻恐避地下。鷗鷺怨盟寒。屋茨茅。蹊種竹。晚滋蘭。天生此所宜著。素髮颯垂冠。手苦彎弓難合。惟有招麾毛穎。筋力尙桓桓。攜我二三子。日往將詩壇。

送徐大山

崇仁送行役。回首十周星。因今常武丞去。衣繡記曾經。西北桃源山峻。東北洞庭春盡。浩浩際滄溟。鄂渚玉薪米。連月雨冥冥。天氣佳。殊未暮。莫揚舲。便令綰印遲上。誰奪老槐廳。一語嗟卑烏用。寶鏡還宜自重。如此鬢毛青。軒冕暮塗看。駁日與鞭霆。

岳陽寄定菴王萬戶

茲遊太奇絕。我亦壯君侯。春風殷地悲歡。笳鼓萬貔貅。平昔心胸吞著。八九江南雲夢。今上岳陽樓。尊酒浣塵土。山雨戰青油。竟陵客。又挾病。入西州。惟余與汝湍水。東決則東流。遙想凝香畫戟。談笑兜鍪。晝息莫賦大刀頭。麟閣看他日。居右有人不。

守歲

六十一年似。窗隙白駒馳。人家守歲癡計。明日怕容辭。萬事纔堪一笑。何必朱顏年少。誰不悔吾衰。只看

屠酥酒先酌。樨中兒。無以爲閒。躑躅。誦仙詩。人生日日渾醉。百歲以爲期。三萬六千場耳。一日盃傾三百。巧歷算能推。試問自今去。餘有幾何厄。

燭影搖紅

新齋肅政李元讓座間。任氏婦歌海棠開後之語。非專爲海棠設。故別賦二首。錄呈太初宣相時中。

天寶三郎愛環睡。起紅妝懶。背渠素手洗朱鉛。吹裂寧王管。羯鼓嵬坡塵散。記紅冰。涇涇淚斷。際天長恨。蜀棧青螺。錦江難浣。千古驚魂。泛蘭轉蕙。光風暖。嫣然一笑。尙傾城。桃李空繁滿。銀燭春宵苦短。願青軒流光緩緩。借諸任袖。回施新齋。捧案原闕三字

嫋嫋東風碧湘。左畔羣山圍。海棠無語不成蹊。桃李羞牛後。生臉朱唇。暈酒問坡仙。肝腸錦繡。未容花睡。銀燭高燒。如何晴晝。十事之中。不隨人意。長居九結。貽顙頰笑。靈均蘭茝盈襟袖。今代巫陽恐有劍南呼。樵人畫手。向青軒底。貌取妖妍。爲司花壽。

木蘭花慢

清明上巳同日。亦吾生少遇。賦樂府奉呈判縣伯陽志友。兼寄高侍讀。

暢光風。嫋嫋轉幽蕙。泛崇蘭。最上巳清明。相期一日。百歲逢難。鞦韆自兒女事。快鄰翁覆手羽觴乾。莫道韶華一月。從今已屬春殘。故人回首隔長安。輪直下金鑾。對賜火新煙。應思被袂。何地江干。依然齒牙

牢在。並年時花似霧中看。獨賴中書未老。言時髮尙衝冠。

石州慢

失題

高與雙崖馮雪。魏青三子皆人傑。當年慣見。中宵天外。德星難拆。華觴雕俎。清辭細切。琅玕定應。袖有鋌
鋸鐵。而我獨離羣。臥南陽甘節。書絕故人石。影新翻。欲譜調疏聲拙。誰遣巫陽。喚起滕王長別。珠簾畫
棟。縈飛南浦朝雲。當時此句雖清切。何似倚危欄。滿西山晴雪。

賀新郎

失題

杜宇爲謀拙。只當時。西州已報。鼃靈功烈。何事爲心輕傳禪。坐取名墜身滅。化怨鳥。春山啼血。試聽不如
歸去語。怕君遠未曉。吾能說。冤憤在。失金闕。胡爲不叩天關裂。枉人間。丁寧控訴。欲求誰雪。蜀道思歸
誠何有。使隔雲山千疊。一再舉。猶堪橫絕。苦趣東君行不早。到千紅萬紫飛時節。呼謝豹。慎捫舌。

摸魚子

賦玉簪錄呈趙太初兼與時中茂異

更休尋。玉山瑤草蓬萊知在何處。司花嫌被春風妒。留待九秋清露。還解語。試問看。當時月夜乘鸞女。何
年遺汝。甚不怕高寒。青冥萬里。鬢鬢亂風霧。人閒世。無物有香如許。靈均遺恨千古。芙蓉杜若何堪佩。

顚顚行吟沅浦。空自苦。誚教得。揚雄不信離騷賦。雲窗月戶。恨白髮詩翁。年來多病。不識醉鄉路。

蘭陵王

昨日奉候。知玉體已不恙。軒從可北矣。其戒行何時。作蘭陵王曲問之。上雪崖使君。

雪崖雪。玉壘浮雲變滅。蓬婆外。晴白界天。西嶺窗涵古今絕。秦山置下列。類媵姬姜娣姪。望太白三百。去天六月。人猶失炎熱。縑塵苦爲涅。問誰可配茲千仞高潔。惟君雅號相優劣。有北正寒冽。傳將移節。及門再命益罄折。未聞賜環玦。我拙誤名竊。甚此日。徵書亦到巖穴。何人轆轤同車轍。華首最相悅。忍爲輕別。定成行不乞。爲汝負羈紲。

綠頭鴨

贈辛尙書家琵琶妾何氏

錦堂深。獸爐香噴沈烟。紫檀槽。金泥花面。美人斜抱當筵。輕羅綬素肌瑩玉。近鸞翅雲鬢梳蟬。玉筍輕拋。魚叉細撥。鳳凰飛上四條絃。碎牙板。煩襟消盡。秋風滿庭軒。今宵月依稀向人。欲鬪嬋娟。變新聲。能翻舊曲。眼前風物淒然。路漫漫。漢妃出塞。夜悄悄。商婦移船。馬上愁思。江邊怨感。分明都向曲中傳。困無力。勸人金盞。須要倒垂蓮。拚沈醉。紅塵。倘恍一夢遊仙。

六州歌頭

賦木蓮花

靈均不信木。未搴芙蓉。徒自潔好奇服。菱荷縫看心胸。霽月光風似愛蓮。叟云難狎。應亦未觀林下澹丰容。坐蔭高花十丈。身疑在玉井三峯。甚東皇遣與桃李鬪春濃。男色昌宗失昌丰。訪平泉記奇草木。惟赤柏與金松。岷嶺導江浩浩。發臨邛。進吳儂。萬里江南北。行欲遍。未曾逢。堪悵恨。風與雨。苦相攻。怕學瓊花不墜。潛飛去。地上無蹤。奈明朝酒醒。空對夕陽春流水溶溶。

牧庵集附錄

年譜

案先生撰其世父魯國文獻公神道碑。敘姚氏神明之後。歷三代秦漢魏晉宋齊。傳次或絕或續。與梁陳隋唐可譜究者別載。世錄惟本梁唐六鎮節度使勅。勅生金吾將軍漢英。漢英周廣順初太祖遣之使遼見留。事世景聖三宗。加安時制節宏化翊亮功臣開府儀同三司樞密使檢校太師兼政事令上柱國東陽郡公。生中書門下平章事北面宣徽使衡之。衡之生給事中同中書門下平章事居政。居政生太師左金吾衛上將軍虔州節度使景祥。景祥生太子洗馬去華。去華生金東上閣門使金州團練使玠。玠生閣門祇候武德將軍佺。佺生武德將軍獲嘉令錡。錡生安遠大將軍慶陽安化丞淵。後要名仲宏。生嘉猷。程世舊學功臣太師開府儀同三司魯國公諡文獻樞。及弟楨格。樞生今行河南省左丞煒。楨生故江東憲僉燉格。生先生諱燧。集賢大學士榮祿大夫翰林學士承旨知制誥同修國史。諡曰文。其先柳城人。今興中府。卽古營州。慕容皝所都也。其族大以蕃。先生送馮雪崖序亦云九世祖東陽郡公有孫。嘗王柳城。今其地有姚山館姚家陀。猶以吾姓氏之。墳墓咸在焉。然其後皆不讀書。舉爲鮮卑人矣。

太宗英文皇帝十年戊戌。當宋嘉熙二年。

先生生。

十二年庚子。

先生三歲案先生爲馮松菴挽詩序云松菴歿以庚子七月我先人之棄其孤亦以是年文獻公碑云燧生三歲而孤公卯翼之不知其蒙闇教督而急其成俾粗有聞承乏翰林復世公官爲承旨也定宗簡平皇帝五年庚戌當宋淳祐九年

先生十三歲是年始見魯齋先生案先生與許德卿書云燧生十三年拜先履絢於蘇門憲宗恆肅皇帝五年乙卯當宋寶祐三年

先生十八歲始受學於魯齋先生案與許德卿書曰十八年謬齒弟子之列於長安時立下席自是至其奠楹實二十有九年

世祖聖德神功文武皇帝中統元年庚申當宋景定元年

先生二十三歲

中統二年辛酉

先生二十四歲送暢純父序云余冠首時未嘗學文視輩流所作惟見其不如古人雖不敢非諸口而未嘗不輕之於心年二十四始取韓文讀之走筆試爲或謂有作者風就正於先師先師亦賞其辭蓋是年方學爲文三辰儀銘等當作於其時

案此譜多以所作之文系于每年之下亦有約略附之者集雖不全其目多見於此

至元元年甲子。當宋咸淳元年。

先生二十七歲。案文獻公碑云。至元始元。詔罷世侯。以左丞行省河東。是歲。今河南省左丞文獻公子煒生。

至元三年丙寅。

先生二十九歲。有送宰伯魯遊秦序。

至元四年丁卯。

先生三十歲。案文獻公碑。至元四年。拜中書左丞。至元之元。出省臣三罷世侯。置牧守。遷轉河東山西。河南山東官吏。公行省河東山西。明年而歸。又云。五年。用兵襄陽。立河南行省。公僉省事。八年。入覲。十年。拜昭文館大學士。詳定禮儀使。參政焦公碑云。至元之初。少師以中書左丞行省河東還。以昭文館大學士休政京師。賓客之送迎。皆燧將命。而識公與文獻碑不合。先君日記云。中統二年。奉旨令右丞相公於平陽太原行中書省。平陽太原河東山西也。是中統至元皆嘗行省其地。右丞則前書記張公也。本姓魯。父名聚。社日生。小字社。住太原臨州臨泉縣使君莊。人父爲人所殺。其母負公行丐於市。至郝太守家有張孔目者。無子。攜去。養以爲子。因冒張姓。長祝髮爲僧。及遇知世祖皇帝。得所攀附云。

至元五年戊辰。

先生三十一歲。其年。用兵襄陽。闢省河南。文獻僉省事。是年。建御史臺。

至元六年己巳

先生三十二歲。是年。置諸道提刑按察司事。見山南廉司題名記。

至元七年庚午

先生三十二歲。勸農白公碑云。魯齋先生避左揆。以集賢館大學士祭酒國學教貴冑。乃奏召舊弟子散居四方者。王梓自汴。韓思永蘇郁自大名。耶律有尙自東平。孫安高凝與燧燉自河內。劉季偉呂端善劉安中自秦。獨公自太原。十二人驛致館下。蓋同是年也。

至元八年辛未

先生三十四歲。是年。文獻公入覲。碑云八年入覲者。

至元十年癸酉

先生三十六歲。是年。文獻公拜昭文館大學士。詳定禮儀使。

至元十二年乙亥

先生三十八歲。始爲秦邸文學。未幾授奉議大夫。兼提舉陝西四川中興等路學校。張詹丞碑云。當十有二年。太師奉朝請京師。燧秦邸文學。俾從之西。凡偕以三使蜀。及轉陝西憲副。引爲掾屬。

至元十三年丙子。是年宋亡。

先生三十九歲。文獻公碑云。十年。拜昭文館大學士。先生有壽公水調詞云。相公奉朝請京輦已三年。

當是此年寄賀者。九頂山題名云。天子嗣位之十五年。大參公相秦藩。明冬。以王教安輯庸蜀。又明年。以漢嘉新下。入諭其民。休旬佳日。公因訪李冰遺烈。登山東九頂之上。書公及同遊者姓名。三月二十四日。其歲丙子。其年至元之十有三年。王府文學姚燧記。則先生與大參公同在嘉州。豈使蜀之一耶。是年。又奉教招王立合州。使蜀之二也。其年。南宋平。所謂大參。蓋商公左山也。嗣位之十五年。以中統初元考之。亦不合。

至元十五年戊寅。

先生四十一歲。黎施州序云。十五年。奉先王教安集夔府新下之民。始與黎侯相識。其三使蜀者。亦其一歟。王希真祠堂銘云。族姪璉。自汴至長安求銘。無歲月可考。亦當在此年也。是歲秋七月二十三日。文獻公薨。壽七十有八。

至元十六年己卯。

先生四十二歲。有何敬夫醉經堂記。是年。始娶紫陽先生中女楊氏。

至元十七年庚辰。

先生四十三歲。爲陝西漢中道提刑按察司副使。夫人楊氏。生楊氏婦而卒。

至元十八年辛巳。

先生四十四歲。爲秦憲副。是年。娶今夫人趙氏。年二十有四。見其外舅和父墓誌。有送雷季正見魯齋。

序。

至元十九年壬午。

先生四十五歲居秦。有劉天麟爲其父求撰神道碑。兵馬總管袁公碑云。十八年。燧以陝西憲副錄囚延安。明年。子克良持書謁銘。蓋此年也。其年五月二日。蕤女生。長適楊萬戶孝基。

至元二十年癸未。

先生四十六歲。爲山南湖北道提刑按察司副使。案。澧州廟學記云。二十年。燧副使是道。明年。按部至焉。大德乙亥爲記。時在武昌。末云。書于鄂之南陽書院之楚梓堂。是歲。魯齋先生卒。與許德卿書云。立下席二十九年。蓋憲宗五年乙卯至是。爲二十九年也。

至元二十一年甲申。

先生四十七歲。爲湖北憲副。按部澧州。有寄家人壽日南柯子。七月初二日。夫人生朝。又有別枉渚德公詩云。孤姪貳荆憲。又曰。枉渚訪先友。德公嘗與文獻公交處。枉渚在常德江南岸。與招屈亭相望。亭相傳以爲昔楚人招屈原於此。故名。近歲仕宦于彼者。懲司憲者迫人屈招。惡其名爲招屈。遂去其扁。枉渚見楚辭。是年九月二十日。長子燧生。

至元二十二年乙酉。

先生四十八歲。爲荆憲副。有別丁編修序。

至元二十三年丙戌。

先生四十九歲。松菴挽詩序云。二十有三年夏。以湖北憲副奉檄趨京。謂爲直學士也。以疾留襄陽。會河南憲僉馮君帖求爲其先序。并馮氏三世遺文序。臨湘縣廳壁記。又婆羅門序云。余由荆憲奉檄趨京。病留襄陽。馮僉憲由汴梁至。梁宜慰貢父。張總管夢卿皆由長沙至。三君飲餞漢賓。壽卿賦此聲。南陽道中。依韻和寄子。跋張總管父都漕公手澤云。至元丙戌。姚燧觀都漕濟江調兵記。自題肖齋清富軒先伯父三帖。黃門飛鞚圖。許道寧幽人曳杖圖。元暉山水圖。雙鶉圖。補之梅黃華竹。時苗留犢江漱魚舟等。皆作於是年。肖齋家物也。先生與之交處最稔。其人多讀書。工於詩。喜蓄書畫。襟懷灑落。無塵俗氣。居潭之西城。引流種樹。甚有清致。武弁中好事者。世不一二數。卽所謂張總管夢卿者也是年。又有臨湘縣廳壁記。

至元二十四年丁亥。

先生五十歲。時爲翰林直學士。有送暢純父序。太醫鄭公碑。寄盧處道詩。張天表遐觀堂記。雷君損之歸來園記。送余春谷序。參政胡公碑云。二十三年始相。其年十月五日薨。明年五月。諸子自江南歸葬。八月吉有日子。瓚從其諸父按察使讓來請銘。亦必是年也。

至元二十五年戊子。

先生五十一歲。歸自燕。居于鄧。有朋簪堂記。牡丹序。遐觀臺序云。二十五年罷直玉堂。與張肖齋史仲

威宋齊彥梁貢父王景韓等遊處。並見集中有右三部馮郎中碑。肖齋赫曦亭記。覆瓿藁。詩招貢父探梅。及次探梅韻。書米元暉山水末云。肖齋以至元戊子夏五月購得之。姚燧爲識末幅。蓋皆是年作。

至元二十六年己丑。

先生五十二歲居鄧。有除日試臨安竹絲筆金星歛硯書事。答肖齋餽歲。及海岳堂記。閩醫隱銘。李文紀碑。送馮壽卿副憲遼西序。金將仕秦君志銘。楊彥亨遐觀臺唱和詩序。

至元二十七年庚寅。

先生五十三歲授大司農丞。樗菴集序云。後君沒之十九年。至元庚寅。子京出其譜而見其然。且求敘。是年。先生自漢浮江東。遊會稽。過江州。見濂溪書院記。後四年。再過。記方刻石。汴梁學記。亦庚寅夏四月。夏爲直學士。豈農丞之後耶。

至元二十八年辛卯。

先生五十四歲。按察司其年改廉訪司。盜臣僧格約蘇穆爾伏誅。有湖口縣學次曹訓導韻。自跋云。青龍辛卯三月四日。獨步縣學。無人訓導。曹君餉予詩。爲和之。署銜爲前直學士。刻石縣學。

至元二十九年壬辰。

先生五十五歲。挈家寓武昌。有送徐大山序。題王西溪珍翰跋語。第二子圻生於武昌。劉彥清序。亦當在是年。

至元三十年癸巳

先生五十六歲。是歲始自鄧居鄧。木蘭花云。再年逾耳順來。七稔石城居。癸巳至己亥。七年也。

至元三十一年甲午

先生五十七歲。遊江西龍興。有滕王閣記。宣慰王公碑。招撫使王公碑云。王彥弼總管南康。過燧舟中。求其先人墓銘。并闕宏求銘其考瀏陽尉。亦當在是年。歸至鄂中。書遣直省舍人札哈勒台。以朝請大夫翰林學士召。與高道凝同赴別鄰。詩序云。青龍甲午十二月十一日。赴召。劉武敏公碑云。三十一年。知鄧州劉克仁來言曰。亦疑是年也。

元貞元年乙未

先生五十八歲。與道凝同修世皇實錄。有長春宮碑。崇陽學記。董氏棣華堂記。

元貞二年丙申

先生五十九歲。因改葬少師于輝。襄事歸鄧。勸農白公碑云。夫人賈以苟宗道埋辭求銘墳道。數年不能敘其事。去冬以史事入翰林。過輝。夫人所姨母爲言。是必葬少師之時也。又有壽詞春從天上來。先生元貞之元在翰林。明年改葬少師而出。此詞有蠻荆之語。當是三年未改大德之春作者。

大德元年丁酉

先生六十歲。有毛氏壽萱堂記。曹州學記。龐禮部母夫人序云。元貞始元。同官翰林。前年訪以史事。去

年迫南歸。今閒退於郢。故書致三千里之賀。時先生居郢。故云。判官劉君誌銘云。至元乙酉七月七日。卒。後十二年。丐銘其墓。均州萬戶翟公碑。亦是年也。幼女楚楚生。

大德二年戊戌。

先生六十一歲。江陵廟學記云。至元乙亥。江陵下之四年。廟學火。至今大德之戊戌。凡二十四年。又云。嘗貳憲于此。再入蠻坡求記。當是其年作。是歲。安陸府學記云。大德戊戌。分司撤毀殿別構。冬十一月。歸。末云。嘉平中。休日記。是年。挈家遊長沙。麓堂宣慰和尚館公於爰裔堂。堂名公所命也。未幾。疏齋盧公處道。由集賢學士出。祝海岳。過長沙。同館斯堂。盧以堂名未盡厥美。因共更爲世臣。先生大書之。予以爲世三十一也。改作世。亦三十一。竟爲麓堂公享年之讖云。又有贈疏齋三絕句。及與憲使陳時舉留別詩。并其母夫人李君神道銘。致先懷集府君墓銘。爰裔堂牡丹長句。羣山園宴集燭影搖紅。李新齋憲副趙子昂畫夫子小影贊。靜壽堂記。趙監倉銘。壽肖齋清平樂。又守歲水調歌頭云。六十一年似箇隙。白駒馳等作。致以是年始拜先生於潭。舉致湖南憲府吏云。

大德三年己亥。

先生六十二歲。寓武昌。居南陽書院之楚梓堂。春遊黃州。有贈賈芳春綠頭鴨。龐氏先德碑云。元貞丙申。翰撰詠手書鉅軸相授曰。吾先德也。其賜之銘。後云。大德己亥。趣書。乃筆削其書。夏五月。有送劉仲信燕南經歷序。段立夫建昌府判官序。秋八月。李茂卿序。九月。李德隆序。十有一月。澧州學記。十二月。

上懷恩州唐君碑、寄疏齋、贈平章劉公綠頭鴨、故左丞相阿爾哈雅碑、振衣亭記、平章劉公創甲第武昌、求三堂名并記於先生、先生以清風垂紳益壯名之、致時爲湖南憲府吏、疏齋除湘南憲、致乘傳請上至武昌、與先生會、先生喜、分題賦、平章劉公三堂、先生得清風、疏齋垂紳、致忝益壯焉、是歲、幼子石城生於郢、木蘭花云、再年逾耳順來、七稔石城居、記白髮添丁云云、其年六十二也。

大德四年庚子。

先生六十三歲、居郢城、春猶在武昌、有重修虞帝廟碑、南泉慈化寺碑、清風堂記、馮雪崖二孫名字序、送郭幹卿序、輝州三賢堂記。

大德五年辛丑。

先生六十四歲、授中憲大夫江東憲使、有南平樓記、寧國修造記、都統榮公碑、徽州路達嚕噶齊虎公碑、讀史管見序、劉氏六子名說、僉密院趙公碑、遺安堂記、司徒董公碑云、大德辛丑、天子念功、贈諡中盡、左丞子士珍將銘墳道、持遼陽參政王思廉狀、遠走江東而訪燧、亦在是年也。

大德六年壬寅。

先生六十五歲、有國統離合表序、參政焦公碑、總管高公碑。

大德七年癸卯。

先生六十六歲、案饒州明倫堂記云、大德癸卯、通議大夫饒之總管趙侯訓以路政修舉新學餘五十

楹遺直學士黃叟走書求記並案。青神陳氏碑云。大德戊戌後五年。陳時舉總管建康求撰宋太常青神陳氏碑。蓋是年也。又有蒙古光祿表勳碑文撰序。紫陽先生文集序。戎大參父九十絕句十首。戎時爲奉使宣撫巡歷江東。又金正議大夫王公碑云。大德癸卯。以省郎從宣撫江東。俾銘其碑。又太史楊公碑云。二十一年卒。後十年。子寅求銘墳道。三十一年甲午至癸卯。十年也。謝顯卿序云。大德辛丑。燧使江之東。顯卿副是道。先生二十有七月之間。禮浹而恭云云。是歲嘉平。移節浙西。疑爲此年十二月也。六月望日。有錄壽細君樂章集爲軸等作。

大德八年甲辰

先生六十七歲。自宣城移病居太平之潢池鎮。有江東憲迴鷗鵠天二首。萬戶郎公喬公征行元帥趙公等碑。是歲拜中奉大夫江西行省參知政事。冬十月。至龍興。奉安西王教。撰延釐寺碑。

大德九年乙巳

先生六十八歲。居龍興。有太平興國宮碑。臨江府判官夏君母夫人碑。荆湖宣慰司興造記。淮安忠武王畫像贊。徐子方眞贊。袁之上佐高氏子字貌文選序。秋八月望日。至西山翠巖寺。同行僉憲郝子明。檢校閻子濟。儒學副提舉祝靜得與致竣事。少憩于洪厓丹井石上。飲酒樂甚。先生賦臨江仙。致與靜得有和致又反和之。先生亦有答者。子濟別賦婆羅門引。致又別賦五言古詩。皆命致書。貽紫清道友王梅叟碑刻之石。又架木物爲梯凳。俾致跨水題名丹井崖石之上。致云。是以章子厚待我也。諸公爲

之一笑。先生持酒相勞。九月移疾北歸。至吳城山。子濟靜得亦來會。子濟取吳城山三字。與靜得約致分韻賦臨江仙。以寫攀戀之意。子濟自敍云。九月七日。舟行送牧庵先生過樵舍。至吳城山。與靜得賦臨江仙。取吳城山三字爲韻。留山字邀時中作。去歲迎公樵舍驛。今年送別重湖。青山知我往來無。揆材慚杞梓。聞道覬桑榆。勝日黃華重九日。喜浮五老眉鬚。清尊何惜駐橋烏。分風行咫尺。千里異荆吳。右子濟。一代文章千載事。區區外物虛名。了知此老去留輕。銜舟攜二客。襆被送兼程。渺渺望湖樓下水。連朝無此秋晴。新霜紅葉錦爲城。重陽誰共醉。五老定相迎。右靜得。先生致所賦。見自藁。明日程公雪樓以學士赴召。亦至。相與留連南康累日。雪樓北上。先生解舟至江州。會馬漕副克復。復相留迎。醫病。閒遊廬山。留興國宮。提點湯公爲建牧菴亭。且立先所撰探訪眞君碑。又爲撰新莊記。漕司暖翠亭記。舊德堂記云。大德乙巳。某歸自西江。相遭德隆于鄂。求名斯堂等作。皆於是年也。

大德十年丙午

先生六十九歲。客武昌。郭安道爲僉憲。許澹齋儒學提舉。有贈二公浪淘沙。又有與安道論書序。達嚕噶齊裴公碑案。荆湖北道興造記云。經始於大德乙巳之十月壬午。以丙午春三月之癸酉訖功。夏五月。遣掾屬趙茂陵告成。亦是年作。五月十一日。閻子濟卒。

大德十一年丁未

先生七十歲。有夏府判母張氏碑。布色兵馬碑。平章游公碑云。公以至元十九年拜榮祿平章。明年薨。

於位。後二十有三年。當大德丁未元。子永錫遣猶子某自汴而郢。以碑見託。正是年也。冬。宮師府遣正字呂洙。持太子太師潘陽王王璋書。如漢徵四皓故事。趣爲太子賓客。授正奉大夫。十二月。至維揚。與第二子圻定婚焦氏婦。龍陽梁孝子碑。經歷呂君碣皆作於眞州。蓋是年也。

至大元年戊申。

先生七十一歲。仁宗居藩邸。開宮師府。春二月。先生舟過高郵。有次致和杜紫微齊山詩。又有次韻贈李若水。及留別東呂正字。登淮安城樓。并參錯和勉致進德無怠等詩。致侍舟行至崔鎮水驛而別。有齊哩克台先廟碑。龍興寺永業田記。右丞相史公先德碑。是歲。由賓客授資善爲承旨。又除太子少傅。不拜。武宗諭之。先生再拜曰。昔先伯父嘗除是官。亦辭不拜。臣何敢受。

至大二年己酉。

先生七十二歲。拜榮祿大夫集賢大學士翰林學士承旨。知制誥同修國史。案。雍國賀公碑。至大二年七月二十有九日。行在南坡公碑未銘。敕翰林學士承旨燧撰述之。又龍興寺永業田記云。至大戊辰。令下。明年三月。俾學士承旨姚燧爲文。末云。其年夏五月記。是三月傳旨。五月文始成也。又有朝元萬壽宮碑。招撫李君墓表。

至大三年庚戌。

先生七十三歲。是年。舉致爲汴省掾。有滕文穆公碑。潘王詩序。許文正公祠堂記。元帝祠記。忠勤堂記。

喬木堂記雪堂雅集跋語孫侍郎碑楚公畫贊郊宮樂府南鄉子等作

至大四年辛亥

先生七十四歲爲中子圻娶焦氏婦閏七月至杭未幾中書遣陳檢閱復以承旨召病不克赴十月至京口買舟西歸致與先生別儀真遂成長別是歲有完顏公碑南寺碑寺武皇所創設行工部董其役未成而上仙遂輟工一日佛座前紋石上有二巨迹一靴迹一佛迹僧以告行工部官事聞上成之命先生爲文先生時已得請南歸中道文成進之李宗師書丹刻石僧有取碑中祝髮與前聖往矣于佛焉依等語訓曰祝髮斷髮也罵僧爲禿焉依者焉爲未定之辭此謗無佛訟之太后后怒命諸老與集議之宗師詰其人曰祝髮字文人多用之焉字語助也何謂冒僧謗無佛乎其人曰宗師亦僧也謂我曹爲斷髮去禿幾何李因曰國家使我曹飽食煖衣者亦何用哉其人遽曰將以祝皇上萬萬年壽也李曰然則祝字固佳字也僧茫然失措無以應議上命趙子昂元復初別撰其文張希孟祭先生文有磨平淮碑之語今文去祝髮語因紀之

皇慶元年壬子

先生七十五歲居廬山作匡山精舍記慈化寺碑皇慶壽詞上巳清明同日樂府

皇慶二年癸丑

先生七十六歲是年復以翰林承旨召先生已臥病鄧城矣有寧國路修廟學碑賞花十詩九日感皇

恩樂府。蓋先生絕筆也。先生九月十有四日薨。葬郢城北臺之陂鄉。

